

10.8.2020

Kielâlaavâ olášutmist adelum asâttâs nubástittem

Tuávááš

Statâräädi asâttâs kielâlaavâ olášutmist (433/2004) adelui 27.5.2004 já tot poodij vuáimán 15.6.2004. Tot lii nubástittum 1.1.2005 já 1.1.2016 vuáimán puáttám asâttâsâiguin (16.12.2004/1130 já 22.10.2015/1277). Tot siskeeld njuolgâdusâid kielâaašij ráđádállâmkodeest sehe kielâlahâasâtem heiviittem kyeskee muštâlusâst.

Oovdeb kielâaašij ráđádállâmkode toimâpaje lâi 1.4.2016–31.3.2020. Ráđádállâmkode toimâ ovdedui toimâpaje ääigi. Ráđádállâmkode jeessânmeeri kepidui ovdebáást asâttâs suovvâm raajij siste. Lasseen ráđádállâmkode toimâ kepidui, já ráđádállâmkode vuájui čuávuvâš pargoid:

1. kielâaašij ráđádállâmpeeivij ornim ohtii ivveest statâräädi já kielâjuávhui koskâsii dialog ovdedem várás;
2. riehtiministeriö išedem kielâlahâasâtem heiviittem adeluvvee haldâttâs muštâlus valmâštâlmist; sehe
3. kielâtiilijid já kielâlij vuoigâdvuodâi olášumán vaigutteijee udâsmitmijid čuávuvum.

Ráđádállâmkode toimâvuávámân kirjejui, ete ráđádállâmkode olášut čohčuv 2019 jiešârvuštállâm udâ ráđádállâmkode asâtem aavâštdijn. Árvuštállâm tohui kojâdâlmáin, mii vuolgâttui ráđádállâmkode jesânâid, värijesânâid já pisovâš äššitobdeid. Kojâdállâm vuolgâttui ohtsis 17 uásipiälán. Vâstideijeeh lijii loves. Koččâmušah lahtojii ráđádállâmkode jesânij valjimân já stuárudâhân, ráđádállâmkodeest ovdâstum kielâjuávhoid, ráđádállâmkode pargoid, tooimâ tiäduimâid (aalmuglâš kielah já eres kielah), porgâmvuovvijid já toimâmvuovvijid sehe vaigutteijeevuotân.

Asâttâs lii čaittâšum motomij oosij muálkkán já tom kannat čielgâsmittid. Asâttâs čielgâsvuodâ lii toohâm vädisin eereeb iärrás tot, ete ráđádállâmkode tooimâ orniimist lii asâttum asâttâs eres ceehijn sehe sierâ nonnimnáál pargo-oorinigist. Siämmást asâttâsân puáhtá toohâđ eereeb iärrás ráđádállâmkode árvuštállâm vuáđuld tarbâšlâžžân keččum nubástusâid.

Njuolgâduskuáhtásiih agâstâlmeh

Kielâaašij ráđádállâmkode kyeskee njuolgâdusah – 1 loho

Asâttâs ráhtus iävtuttuvvoo nubástittud nuuvt, ete ráđádállâmkode kyeskee njuolgâdusah čuákkejuvvoje neelji ciákán: 1 § Ráđádállâmkode ulme, 2 § Pargoh, 3 § Jesânij valjim já 4 § Tooimâ ornim. Udâ 4 §:n lii áigumuš čokkid tarbâšlâš meridemvâldâlâšvuodâ (tääl 4 §), pargo-oorinig (tääl 5 §), čäällimkode (tääl 6 §) sehe paalhijid (tääl 8 §) kyeskee njuolgâdusâid.

1 § Asâtem já toimâpaje

Ceehi nommâ iävtuttuvvoo nubástittud. Ceehi udâ nommâ ličij Ráđádállâmkode ulme.

Ceehist mainâšuvvoo tuše 2 § 1 miäldásâš čuávumpargo. Ráđádállâmkodde lii kuittâg meiddei viggâm ovdediđ kielâlijd vuoigâdвуоđâid ei. addelmáin ciäkkámušâid já vaaigutmáin hal-dättâsohjelmân. Lasseen ráđádállâmkodde lii ovdedâm haldättâs já kielâjuávhui koskâsii vuáru-vaiguttâs orniimáin ihásávt kielâaašij ráđádállâmpeeivijd, já tuhhitmáin tain almosciäkkámuš. Ciäkán iävtuttuvvoo lasettuđ joodhâst meiddei ovdedempargo.

Nubástittum cekki ličij čuávuváá lágán:

1 § Ráđádállâmkode ulme

Kielâlaavâ (423/2003) já toos lahtojejee lahâasâtem olášuttem já heiviittem ovdedem já čuávum sehe kielâlij tiilij ovdánem čuávum várás lii riehtiministeriö ooleest tuáimee kielâaašij ráđádállâmkodde, mon statâráäđi aasât neelji ihán häävild.

2 § Pargoh

2 § mielđ ráđádállâmkode pargon lii

- 1) išediđ riehtiministeriö kielâlaavâ já toos lahtojejee lahâasâtem olášuttem já heiviittem čuávumist;
- 2) valmâštállâđ iävtuttâsâid olášuttem tuárjoo toimân aalmuglâškielâi kevttim já sajaduv ovdedem várás;
- 3) išediđ riehtiministeriö ovdâskoodán vaaljâpajasávt kielâlahâasâtem heiviitmist adeluvvee statâráäđi muštâlus valmâštâlmist;
- 4) valmâštállâđ virgeomâháid avžuuttâsâid kielâlaavâ já toos lahtojejee lahâasâtem kyeskee tiedtettem já škovlim orniimist; sehe
- 5) adeliđ ciäkkámušâid virgeomâháid já eres siärvusâid riehtiministeriö toos toimâtem kielâlahâasâtem kyeskee koččâmušâin.

Ráđádállâmkodde puáhtá meiddei:

- 1) uásálistiđ eres kielâid ko aalmuglâškielâid kyeskee lahâasâtem čuávumân sehe äššitobdeeor-gaanin išediđ eres kielâid kyeskee lahâasâtem valmâštâlmist;
- 2) čuávvuđ almugijkoskâsii ovdánem já ohtsâšpargo riijkâ kielâtiilij já kielâlij vuoigâdвуоđâi ovdedem várás; sehe
- 3) jieijâs algust valmâštállâđ riehtiministeriö kiävtun avžuuttâsâid kielâlahâasâtmân já ton heiviitmân lahtojejee koččâmušâin sehe toohâđ alguid kielâlij vuoigâdвуоđâi ovdedem já kielâlii oovtviärdâsâšvuodâ olášum várás.

Ráđádállâmkode pargoin tiäduuttuvvojeh eromâšávt aalmuglâškielah, toid kyeskee kielâlaahâ já toos lahtojejee lahâasâtem. Kielâaašij ráđádállâmkode árvuštállâm kyeskee kojâdâlmân västidâm uásipeleh lijiii sierâ uáivilist tast, lii-uv aalmuglâškielâi tiäduuttem ráđádállâmkode toimâin ain agâstállum. Uási västideijein lijiii huolâst tast, ete aalmuglâškielah já sâmikielah piäijojeh vuosâsajan eres kielâjuávhui iähtun. Nube tááhust västâdâsâin meiddei keččii, ete aalmuglâškielah já eromâšávt ru-otâkielâ láá pááccám ráđádállâmkode toimâin eres kielâi tuáhá. Uccâ uásâš västideijen huámmâšuttii, ete ráđádállâmkodde ij kiedâvuš tuárvi enâmânvarrejejee- já olgoriijkâlâškielâid.

Ráđádállâmkode toimâ puáhtá stivriđ toimâpajasávt tärhibeht asâtemmiärdâssâin. Ráđádállâmkodde puáhtá meiddei jieš valjiđ, moi aašijn tot haalijd jieš toohâđ alguid. Tondiet lii agâstállum, ete asâttâs tovâččij joodhâst-uv máhđulâžžân vijđáht aalmuglâškielâid já eres kielâid sehe almolávt riijkâ kielâtiilij čuávum kyeskee pargoid. Pargoid iävtutteh kuittâg čielgâsmittemnáál, vâi ráđádállâmkode váimuspargoh almonuuččii toin čielgâsubboht.

Ráđádállámkode pargon ličij joodhâst-uv 1 moomeent 1 uási mielđ išediđ riehtiministeriö kielâlahâasâtem olášuttem já heiviittem čuávumist. Statâräädi kielâmuštâlus valmâštâlmist išedem puáhtá keččâđ kuullâđ čuávumpargon, já tom iävtutteh sirded 1 moomeent 1 uásán.

Ráđádállámkode pargon lii lasseen vyeimist lejee asâttâs mielđ lamaš valmâštállâđ iävtuttâsâid olášuttem tuárjoo toimân aalmuglâškielâi kevttim já sajaduv ovdedem várás, valmâštállâđ virgeomâháid avžuuttâsâid kielâlaavâ já toos lahtojejee lahâasâtem kyeskee tiedettem já škovlim orniimist sehe adeliđ ciälkkámušâid virgeomâháid já eres siärvusâid riehtiministeriö toos toimâtem kielâlahâasâtem kyeskee koččâmušâin. Veikâ lii tehálâš, ete ráđádállámkode puáhtá toohâđ iävtuttâsâid, valmâštállâđ avžuuttâsâid já adeliđ ciälkkámušâid, te ruutiinlij iävtuttâsâi, avžuuttâsâi já ciälkkámušâi valmâštállâm puáhtá leđe hästee. Nube tááhust lii tehálâš, ete ráđádállámkode puáhtá meiddei adeliđ ciälkkámušâid eres-uv, ko riehtiministeriö toos toimâtem koččâmušâin. Pargoid iävtutteh tiätásmittiđ tai oosij.

Ráđádállámkode pargon ličij 1 moomeent 2 uási mielđ tuárjuđ kielâlahâasâtem olášuttem sehe aalmuglâškielâi kiävtu já sajaduv ovdedem já tađe várás toohâđ iävtuttâsâid já adeliđ ciälkkámušâid táárbu mielđ. Vyeimist lejee asâttâs 1 moomeent 4 uásist mainâšum avžuuttâsah moh kyeskih kielâlaavâ já toos lahtojejee lahâasâtem kyeskee tiedettem já škovlim ornim puáhtá keččâđ kuullâđ 2 uásán ige taid ličij tárbu mainâšiđ pargoin sierâ.

Kielâaašij ráđádállámkode lii ornim oovdeb toimâpajestis asâttâsâst asâttum pargoi lasseen ihásávt kielâaašij ráđádállámpeevi, kuás kielâjuávhuin lii lamaš máhđulâšvuotâ dialogân haldâttâssâin äigikyevdilis kielâlâš vuoigâdвуođâid lahtojejee koččâmušâi pirrâ. Kielâaašij ráđádállámkode ärvuštállâm kyeskee kojâdâlmân västidâm uásipeleh lijii ton uáivilist, ete ráđádállámpeevi lii lamaš ävhälâš toimâvvyehi. Tom lasettem ráđádállámkode väimuspargoid ličij agâstállum.

Lasseen 2 momentist asâttuuččii eres pargoh, maid ráđádállámkode puáhtá tipšod ovdâmerkkân eres kielâi já almolij kielâtiilij uásild. Ráđádállámkode puávtáččij vyeimist lejee asâttâs 2 moomeent 1 uási mielđ joodhâst-uv uásalistiđ eres kielâid ko aalmuglâškielâid kyeskee lahâasâtem čuávumân. Uásist târkkilistuuččij, ete koččâmušâst lii 1 moomeent 1 uási náálá lahâasâtem *olášuttem já heiviittem* čuávum. Uásist iävtutteh meddâlistiđ eres kielâid kyeskee lahâasâtem valmâštâlmist išedem, ko ráđádállámkode pargoh lahtojeh ovdemustâá kielâlahâasâtem olášuttem já heiviittem oovdedmân já čuávumân sehe kielâlij tiilij ovdánmij čuávumân. Ráđádállámkode puávtáččij kuittäg uásalistiđ äššitobdeeorganin kielâlahâasâtem valmâštâlmân ovdâmerkkân addelmâin ciälkkámušâid.

Vyeimist lejee asâttâs 2 § 2 mielđ ráđádállámkode puáhtá čuávvuđ almugijkoskâsii ovdánem já ohtsâšpargo riijkâ kielâtiilij já kielâlij vuoigâdвуođâi ovdedem várás. Eromâšávt riijkâ kielâtiilij já kielâlij vuoigâdвуođâi čuávum lii tehálâš, väldidij huámášumân 1 uási miäldâsii čuávumpargo sehe haldâttâs kielâmuštâlus valmâštâlmist išedem. Pargo iävtuttuvvoo nubástittud nuuvt, ete pargon ličij čuávvuđ riijkâ kielâtiilij já kielâlij vuoigâdвуođâi olášum sehe almugijkoskâsii ovdánem já ohtsâšpargo.

Vyeimist lejee asâttâs 2 § 2 moomeent 3 uási mielđ ráđádállámkode puáhtá jieijâs algust valmâštállâđ riehtiministeriö anon avžuuttâsâid kielâlahâasâtmân já ton heiviitmân lahtojejee koččâmušâin sehe toohâđ alguid kielâlij vuoigâdвуođâi ovdedem já kielâlii oovtviärdâsâšvuođâ olášum várás. Uási pisoččij siämmáálágânin.

Nubástittum cekki ličij čuávuváá lágân:

2 § Pargoh

Ráđádállámkode pargon lii:

- 1) išediđ riehtiministeriö kielâlaavâ já toos lahtojejee lahâasâtem olášuttem já heiv-iittem čuávumist, meiddei ovdâskoodán vaaljâpajasávt kielâlahâasâtem heiviitmist adelluvvee statârääđi muštâlus valmâštâlmist
- 2) tuárjuđ kielâlahâasâtem olášuttem sehe aalmuglâškielâi kevttim já sajaduv ovdedem, já tađe várás toohâđ iävtuttâsâid já adeliđ ciälkkâmušâid táárbu miel
- 3) ovdediđ vuáruvaiguttâs haldâttâs já kielâjuávhui kooskâst.

Ráđádállâmkodde puáhtá meiddei:

- 1) uásálistiđ eres kielâid ko aalmuglâškielâid kyeskee lahâasâtem olášuttem já heiv-iittem čuávumân
- 2) čuávuvuđ riijkâ kielâtiilijđ já kielâlij vuoigâdвуođâi olášum sehe almugijkoskâsii ovdánem já ohtsâšpargo
- 3) jieijâs algust valmâštállâđ riehtiministeriö kiävtun avžuuttâsâid kielâlahâasâtmân já ton heiviitmân lahtojejee koččâmušâin sehe toohâđ alguid kielâlij vuoigâdвуođâi ovdedem já kielâlii oovtviärdâsâšvuođâ olášum várás.

3 § Jesânij valjim

Vyeimist leijee 3 § 1 moomeent miel ráđádállâmkoddeest lii saavâjodetteijee, värisaavâjodetteijee já enâmus kyehtnubálov eres jesânid, kiäin juáhâást lii persovnlâš värijeessân. 2 moomeent miel ráđádállâmkoddeest kalga leđe aainâs-uv riävtálii, sosial- já tiervâsvuotâhuolâttâs, máttááttâs- já čuovviittâstooimâ, olgoriijkâlâš- já enâmânvarrimaašij, kieldâhaldâttuv sehe kielâtipšom tâi kielâutkâmuš äššitubdâmuš ovdâstem.

Ráđádállâmkode vyeimist leijee pargo-oornig miel ráđádállâmkodde puáhtá lasseen povdiđ pisováid äššitobdeid ráđádállâmkoodán já táárbu miel povdiđ meiddei eres äššitobdeid kuullâmnáál ráđádállâmkoodán. Ráđádállâmkoddeest lii 31.3.2020 nuuhâm toimâpaajeest lamaš pisovâš äššitobdee Folktingetist, sämitiggeest, Kieldâlittoost já oovtviärdâsâšvuođâvâldálii toimâttuvâst. Lasseen Peljitemij littoost lii lamaš jeessân ráđádállâmkoddeest. Eres kielâjuávhuid tegu romani-kielâlijđ, kärjilkielâlijđ já enâmânvärreijeekielâi sárnoid kuleh ihásávt uárnejum kielâaašij ráđádállâmpeeivijn. Enâmânvärreijeekielâi sárnoid oovdâst ráđádállâmpeeivijn Etnisij koskâvuođâi ráđádállâmkode (ETNO) já romanikielâlijđ Romaniaaašij ráđádállâmkode (RONK). Kielâaašij ráđádállâmkode árvuštállâm kyeskee kojâdâlmân västidâm uásipeleh lijjii ton uáivilist, ete äššitobdei kuullâm lii lamaš ávhálâš porgâmvyehi. Stuárráamus uási keejâi meiddei, ete ráđádállâmkoddeest lii tuárvi äššitubdâmuš já ete tarbâšliih kielâjuávhuh láá ovdâstum.

Lii agâstállum, ete ráđádállâmkoddeest láá puátteevuođâst-uv ovdâsteijeeh ráđádállâmkode pargoi tááhust tehâlijn siärvâduv sektorijn. Njuolgâdus kuittâg iävtuttuvvoo nubástittuđ oovtkiärdánubbon tai oosij. 2 moomeent miel ráđádállâmkoddeest kolgâččij leđe ráđádállâmkode pargoi tááhust kuávdâš suorgij, kieldâhaldâttuv já kielâtipšom tâi kielâutkâmuš äššitubdâmuš sehe eres pargoi tááhust tehâhlâš äššitubdâmuš ovdâstum. Lasseen lii agâstállum, ete ráđádállâmkoddeest ličij ovdâstum aainâs-uv tain seervijn, moh ovdâsteh laavâ miel riijkâ ruotâkielâlii ucceeblovo já algâaalmug sämmilij vuoigâdвуođâid. Taah láá Svenska Finlands folkting -nommâsâš servi, mon pargo lii ovdediđ Suomâ ruotâkielâlii almug vuoigâdвуođâid já toimâđ taan almug čuovviittâslij já siärvâdâhlij tiilij sehe ruotâkielâ sajaduv ovdedem oovdân Suomâst, sehe sämitigge, mon pargon lii tipšođ sämmilij jieijâs kielâ já kulttuur sehe sii sajaduv algâaalmugin kyeskee aasijđ, já ovdâstiđ sämmilijđ toimâidis kullee aasijn.

Äššitobdei povdimist já kulâmist iävtuttuvvoo asâttiđ ceehist. Ceehi 3 moomeent miel ráđádállâmkode puávtáččij povdiđ pisováid tâi koskâpuddâsijđ äššitobdeid sehe táárbu miel povdiđ meiddei eres äššitobdeid ráđádállâmkoodán kuullâmnáál. Pisováid äššitobdeid povdimâin puáhtá huolâttiđ tast, ete eidusij jesânij lasseen ráđádállâmkoddeest lii äššitubdâmuš ovdâmerkkân pargoi tááhust tehâlijn kielâjuávhui tâi eres uásipeelijn.

Kielâaašij ráđádállâmkoddeest lâi seevimkielâlij ovdâsteijee pisovâš äššitobden toimâpaajeest 2012-2015 já vuáđulahâváljukodde oonij seevimkielâlaavâ seettim ohtâvuodâst tehálâžžân, ete ráđádállâmkoddeest láá seevimkielâ kevttei ovdâsteijee meiddei puátteevuodâst. Siämmást vuáđulahâváljukodde keejâi, ete kolgâččij čielgâdiid meiddei táárbu seevimkielâ ráđádállâmkode vuáđđudmân (PeVM 10/2014 vp). Sanna Marin haldáttâsohjeml miel vuáđuduvvoo vijdes seevimkielâaašij ráđádállâmkode árvuštállâđ seevimkielâlaavâ já seevimkielâlij vuáđuvuoigâdovuodâi sehe oovtviárdásâšvuodâ olášum. Kielâaašij ráđádállâmkode aasâtdijn uđđâ toimâpajan puáhtá árvuštállâđ, puávdejuuččij-uv Peljitemij litto eidusii jeessânvuodâ saajeest táárbu miel pisovâš äššitobden.

Nubástittum cekki ličij čuávuváá lágán:

3 § Jesânij valjim

Ráđádállâmkoddeest lii saavâjođetteijee, vârisaavâjođetteijee já enâmus kyehtnubálov eres jesânid, kiäin juáhháást lii persovnlâš vârijeessân.

Ráđádállâmkoddeest kalga leđe ráđádállâmkode pargoi tááhust kuávdáš suorgij, kieldâhaldâttuv já kielâtipšom tâi kielâutkâmuš äššitubdâmuš sehe eres pargoi tááhust tehálâš äššitubdâmuš ovdâstus. Lasseen ráđádállâmkoddeest kalgeh leđe ovdâsteijeeh Svenska Finlands Folkting -nommâsii seervist sehe sämitiggeest.

Ráđádállâmkode puáhtá povdiđ pisováid tâi koskâpuddâsijd äššitobdeid sehe táárbu miel kuullâđ meiddei eres äššitobdeid.

4 § Meridemváldálâšvuotâ

Ceehi nommâ iävtuttuvvoo nubástittuđ. 4 § nommân šodâččij Tooimâ ornim. Ciäkán iävtuttuvvoo nuurrâđ meridemváldálâšvuodâ (tááláš 4 §), pargo-ornig (tááláš 5 §), čäällimkode (tááláš 6 §) já paalhijd (tááláš 8 §) kyeskee njuolgâdusâid sehe tooimâ tááhust kuávdáš aasijd vyeimist leijee pargo-ornigist.

Cekki monâččij čuávuvávt:

4 § Tooimâ ornim

Ráđádállâmkode čokkân saavâjođetteijee tâi vârisaavâjođetteijee povdiittâsâst.

Ráđádállâmkode lii meridemváldálâš, ko čuákkim saavâjođetteijee já ucemustáá peeli eres jesânijl láá miel. Talle ko ääši meerridijn almoneh spiekâsteijee uáivileh, äšši meriduvvoo oovtkiárdânis jienâi eenâblovvoin. Talle ko jienah maneh táásá, tot uáivil meerrid mon saavâjođetteijee lii tuárjum.

Ráđádállâmkoddeest lii váldučällee, kiän riehtiministeriö meerrid. Riehtiministeriö puáhtá lasseen meridiđ ráđádállâmkoodán čällee.

Ráđádállâmkode meerrid eres jiejjâs tooimâ ornim kyeskee monâttállâmvuovijn. Ráđádállâmkode puáhtá asâttiđ pargováljukode sehe táárbu miel juáhusijd já pargojuávhuid.

Ráđádállâmkode jesânáid, čallei sehe äššitobdeid máksimnáál paalhijn já koloi sajanmáksimist meerrid riehtiministeriö.

5 § Pargo-oornig

Riehtiministeriö lii tuhhiittâm 26.11.2004 asättäs 5 § miäldásávt ráđádállámkode pargo-oornig. Pargo-oornigist meriduvoo ráđádállámkode asättem pargováljukoddeest, juáhusijn já pargojuávhuin sehe äššitobdei noomátmist.

Tooimâ tááhust kuávdáš aasijn iävtuttuvoo seettiđ uđđâ 4 §:st ige sierâ pargo-oornig tarbâšuuččij innig. Ceehi já ton vuáđuld tuhhiittum pargo-oornig iävtuttuvvojeh komettuđ.

6 § Čäällimkodde

Tááláá 6 § miel ráđádállámkoddeest lii čäällimkodde, moos kulá váldučällee já tarbâšlâš meeri čäl-leid. Riehtiministeriö meerrid váldučällee já meerrid tâi puávdee čälleeid. Ceehi iävtutteh komettiđ já čäällimkoddeest iävtutteh asättiđ uđđâ 4 §:st. Puátteevuođâst ráđádállámkoddeest ličij váldučällee, mon riehtiministeriö meerrid. Riehtiministeriö puávtáččij lasseen meridiđ ráđádállámkoodán čällee.

7 § Toimâvuávám já -muštâlus

Ceehi miel ráđádállámkodde ráhtá ihásávt toimâvuávám sehe muštâlus jieijâs tooimâin já addel taid riehtiministeriön tuhhiittuđ. Ráđádállámkodde puávtáččij puátteevuođâst-uv tuhhiittiđ toimâvuávám sehe toimâmuštâlus, mutâ tain ij taarbâš asättiđ asättäsâst. Cekki iävtuttuvoo komettuđ.

8 § Päälhij

Cekki iävtuttuvoo komettuđ já paalhijn iävtuttuvoo asättiđ uđđâ 4 §:st. Uđđâ 4 § miel ráđádállám-kode jesânáid, čällei sehe äššitobdeid máksimnáál paalhijn já koloi sajanmáksimist meridičij riehti-ministeriö.

Vaiguttâsah

Asättâsiävtuttâsâst iä arvâlusâi miel lah ekonoomliih tâi eres vaiguttâsah.

Asättâsadelemväldi

Vuáđulaavâ 119 § 2 moomeent miel staatâhaldâttuv toimâorganij almolijn vuáđustâsâin kalga seettiđ lavvâin, jis toi pargoid kulá almolii vääldi kevttim. Staatâ kuávlu- já páihálâšhaldâšem vuáđustâsâin siättoo siämmáánáál lavvâin. Staatâhaldâttuv ohtâduvâin puáhtá mudoi asättiđ asättâssâin.

Kielâaašij ráđádállámkode pargoid ij kuulâ almolii vääldi kevttim, nuuvt ete tom puáhtá anneed vuáđulaavâ 119 § 2 moomeent uáivildem staatâhaldâttuv ohtâdâhhân, mast puáhtá asättiđ statâráädi asättâssâin.

Ääši valmâštállám

Asättâsiävtuttâs lii valmâštállum riehtiministeriöst virgepargon. Asättâsiävtuttâsâst pivdii ciälkkámušâid...

[Asättâsiävtuttâs lii tärhistum riehtiministeriö lahâtärhistemohtâduvâst.]

Vuáimánpuáttim

Asättâs lii uáivildum puáttiđ vuáimán xx máánu 2020.